

Mid-Day Dogri News Bulletin, 09 August 2025

समा – 12:25 hrs.

<><><><><><>

Encounter- Kulgam

दक्खन कश्मीर च कुलगाम जिले दे अखल जंगली इलाके च सुरक्षाबलें ते आतंकियें बश्कार कल रातीं थमां भखे दे टाकरे च 2 सुरक्षाबल शहीद ते 2 होर दुए जख्मी होई गे न। सरकारी सूत्रें मुजब कल चिरे राती भखे दे जबरदस्त टाकरे च 4 फौजी जख्मी होए हे, जिन्दे इचा 2 जख्में दी ता नैई जरदे होई शहीद होई गे। ध्यानजोग ऐ जे घाटी च ए अभियान सब्बन शा लम्मे चिरे तोड़ी चला रदा अभियान ऐ, जेड़ा 9में दिन च दाखल होई गया ऐ। टाकरे दी पैहली रात बलें इक्क आतंकी गी मारी मकाया हा, जेल्लै के 4 जवान जख्मी होए हे। तोंआई चनार कोर नै राष्ट्र ताई अपने कर्तव्य गी अंजाम दिंदे होई शहीद लैफ्टिनेंट कमांडर प्रीतपाल सिंह ते सपाही हरमिन्द्र सिंह होरें गी श्रद्धांजलि भेंट कीती ते सोगी परोआरें कन्नै हमदर्दी जताई। अभियान अजें जारी ऐ।

<><><><><><>

Raksha Bhandhan

देश दे बाकी हिस्सें आहला लेखा। रक्खड़ी दा त्योहार अज्ज जम्मू-कश्मीर च बी चार्ये-चार्ये मनाया जा रदा ऐ। रक्खड़ी दा त्योहार भाएं ते भैनें दे कर्दे नैई टूटने आहले रिश्ते दा प्रतीक ऐ। अज्ज दे दिन भैना अपने भाएं दी कलाई उप्पर रंग-बिरंगी रक्खड़ी बनदियां न ते उन्दी

नरोई सेहत, सुख-शांति ते लम्मी उम्र लेई प्रार्थना करदियां न। एहदे बदले च भ्रां अपनी भैनें दी रक्षा ते समर्थन दा वचन दिन्दे न ते उनेंगी तोहफे दिन्दे न। राष्ट्रपति द्रौपदी मुरमू होरें सब्भनें देशवासियें गी रक्खड़ी दे त्योहार दी मुबारखबाद दिती ऐ। अपने स्नेह च राष्ट्रपति होरें गलाया जे रक्खड़ी दा त्योहार भ्राएं ते भैनें बश्कार प्यार ते भरोसे दा प्रतीक ऐ। उनें गलाया जे ए त्योहार समाज च एकता ते सदभावना गी बधांदा ऐ। उनें गलाया जे एह त्योहार भारत दी सगगोसार सांस्कृतिक विरासत ते नैतिक मुल्लें गी संभाली रक्खने दा इक मौका ऐ ते ए महिलायें दी रक्षा, उन्दे सम्मान ते अधिकारें दे प्रति होर मजबूत होने दा सनेया दिन्दा ऐ। उनें लोकें गी एक समृद्ध देश दे निर्माण दा संकल्प लेने दा आग्रह किता, जित्थे हर महिला सुरक्षित महसूस करै ते देश दे विकास च योगदान देई सके।

<><><><><><>

PM -Raksha Bhandhan

प्रधानमंत्री नरेन्द्र मोदी होरें रक्खड़ी दे पवित्र मौके पर देशवासियें गी शुभकामनां दितियां।

<><><><><><>

Rakha Bandhan Udhampur

बैहनें-भ्राएं दे हिरख-प्रेम आहला ए त्योहार ऊधमपुर दे स्कूली विद्यार्थियें देश-भक्ति दे जज्बें कन्नै लबरेज होइयै मनाया। विद्यार्थियें BSF दे जवानें गी रक्खड़ी बन्नियै ए त्योहार मनाया। साढ़े जिला संवाददाता अचिन दूबे होरें खबर दिती ऐ जे विद्यार्थियें रौं-दोमेल स्थित Assistant Training Centre BSF दे कैप च जाइयै नमें सपाहियें दी कलाई पर रक्खड़ी बनी ते उन्दी

दलेरी, सेवा ते राष्ट्र दी राखी हिफाजत लेई उन्दा धन्नवाद कीता। उनें जनानें दी लम्मी उम्र, नरोई सेहत ते सुरक्षा दी प्रार्थना कीती। उन्दे मत्थें पर टिक्का ते कलाई पर रक्खड़ी बन्नियें बैहनें उनेंगी अहसास दोआया जे ओ इक्कलै नैई समूलचा देश उन्दे कन्नै ऐ। शिक्षकें इस पहल दी सिफ्त कीती। जवानें, छात्रायें गी तोफे देइयें उन्दे हिरख -प्रेम दी सराहना कीती।

<><><><><><>

Har Ghar Tiranga -Samba

साम्बा दियां जिला विकास कमीशनर आयुषी सूदन होरें भारत दी राष्ट्रव्यापी पैहल “हर घर तिरंगा- हर घर स्वच्छता” अभियान दा कल शुभारम्भ कीता। इस मौके मौजूदा लोकें इस सरबंध्य च जागरूकता फैलाने ते जिले भर च सफाई-सुथराई ते पानी कन्नै जुड़ी दियें स्कीमें दी असरदार अमलावरी गी यकीनी बनाने लेई संगंध लैती। जिले दे सब्भनें ब्लाकें ते तहसीलें च बी इसै चाली दे शपथ समारोहें दा सरिस्ता कीता गया। इन्दे च बड़ी बद्ध गिनतरी च लोकें हिस्सा लैता। अभियान दौरान जिले भर च नेकां गतिविधियें दा सरिस्ता कीता जाग।

<><><><><><>

DC Kathua- Meet

कठुआ दे डी.सी. राजेश शर्मा होरें कल ओहदा सांभने मगरा कल अपने दफ्तरे दे कांफ्रेंस हाल च जिला ते सैक्टरल अफसरें कन्नै अपनी पैहली बैठक लाई। बैठक दौरान उनें जिले च व्यापक विकास ते माहिराना ढंगें कन्नै सार्वजनिक सेवा वितरण दे मकसद कन्नै इक्क नतीजा-परख ते जवाबदेह शासन मॉडल विकसित करने दी लोड़ पर बल पाया। श्री शर्मा होरें

अफसरें गी सरकारी स्कीमें ते मुख कारजक्रमें दी असरदार अमलावरी यकीनी बनाने दे निर्देश जारी कीते तां जे उन्दा लाह जमीनी स्तह तग्गर पुज्जी सकै। औंदे सुतंत्रता दिवस समारोह दियें तयारियें दी समीक्षा करदे होई उपायुक्त होरें सब्भनैं मैहकमें गी आक्खेया जे ओ जिला प्रशासन कन्नै रलियैं कम्म करन तां जे राष्ट्री त्योहार गी बेहतरीन ढंगै कन्नै मनाया जाई सकै। बैठक च होर दूए महत्वै आहले मुद्दें पर बी गल्ल-कत्थ कीती गई।

<><><><><><>

PM- Quit India Meet

प्रधानमंत्री नरेन्द्र मोदी होरें महात्मा गांधी हुंदी नुमायंदगी च “भारत छोड़ो” आंदोलन च शामिल बहादुरें गी चेता कीता ऐ। अपनी इक सोशल मीडिया पोस्ट च श्री मोदी होरें आक्खेया जे उनें लोकें दी दलेरी नै गै नेकें भारतवासियें दे दिले च देश-प्रेम दी लौ जलाइयें उन्दे च आजादी दी तांग पैदा कीती ही

<><><><><><>

BGSBU-VBYCP

बाबा गुलाम शाह बादशाह युनिवर्सिटी (BGSBU) राजौरी आसेया विकसित भारत, युवा सम्पर्क कार्यक्रम तैहत आयोजित गतिविधियें दे समापन दे मौके उप्पर एक समापन समारोह दा आयोजन कीता गया। इस कार्यक्रम च विद्यार्थियें दी उत्साह भरोची भागीदारी ते राष्ट्र दे निर्माण च उन्दे सहयोग दा जश्न मनाया गया। इस कार्यक्रम च प्रिंसिपल District ते Sessions Judge राजौरी Sapru होरें मुख परौहने दे तौर पर शिरकत कीती। BGSBU दे Registrar

Abhishek Sharma होरें आयोजन टीम दे यत्नं दी सराहना कीती। विकसित भारत @2047 दे नजरियें दे महत्व उप्पर लौ पान्दे होई उनें विद्यार्थियें गी विज्ञानक-स्वाऽ विकसित करने ते समाज दी भलाई लेई कम्म करने दा आग्रह कीता। उनें नौजवानें परिवर्तनकारी क्षमता गी होर बधाने लेई गलाया। राजौरी दे प्रधान जिला ते सेशन जज Rajinder Sapru होरें अपने सम्बोधन च राष्ट्रीय प्रगति ते नौजवानें दी सक्रिय भूमिका उप्पर जोर पाया। उनें नशे दी कुबैतू शां नौजवानें गी दूर रौहने ते नशा-मुक्त समाज दे निर्माण च उन्दे योगदान दा आग्रह कीता। उनें नौजवानें गी बेहतर भविष्य लेई, इतिहास कन्ने जुड़े रौहने लेई गलाया।

<><><><><><>

NASA Mission

नासा दे क्रू-10 मिशन दे चार अंतरिक्ष यात्री कल स्पेस- X ड्रैगन कैप्सूल च सवार होइयें अंतराष्ट्रीय अंतरिक्ष स्टेशन थमां रवाना होए। उनें गी धरती पर परतौने आस्तै 18 घंटे दा समें लगोग। इन्दे अज्ज दिनै 3 बज्जियै 33 मिन्टें पर कैलिफोर्निया कश प्रशांत महासागर च उतरने दी मेद ऐ। क्रू-10 गी क्रू-9 दी थाहर पर मार्च महीने अंतरिक्ष च भेजेया गया हा।

<><><><><><>